

SUPER INFO

DONOSIMO
DOBRE VIJESTI
NA VAŠ KUĆNI PRAG



1.BH. BESPLATNE NOVINE Petak, 6. novembar 2009 / broj 74

tel. 061 788 088, 063 992 100 www.superinfo.ba

BESPLATNA KUĆNA DOSTAVA LOŽ ULJA NA PODRUČJU ZE-DO KANTONA

Lož-ulje posjeduje certifikat i
porijeklom je iz zemalja EU

Kontakt: 061 152 872,
e-mail: elvedin@almy.ba



NAFTA I NAFTNI DERIVATI

Telefon 032 446 320, Fax 032 446 321
nafta@almy.ba, www.almy.ba

ALMY u veleprodaji i maloprodaji nudi sve vrste goriva čije je porijeklo isključivo iz Evropske unije.

Certifikati garantuju kvalitet, a gorivo transportujemo vlastitim prijevozom iz rafinerija i ne koristimo terminalska goriva.

Četiri savremeno opremljene benzinske pumpe. Dvije na magistralnom putu M-17 na ulazu u Zenicu iz pravca Doboja i dvije u Zavidovićima.

Terminalski rezervoari za sve vrste goriva.



Petak, 6. novembar	Subota, 7. novembar	Nedjelja, 8. novembar	Ponedjeljak, 9. novembar
sunce-kiša	sunce-kiša	sunce-kiša	sunce-kiša
jutarnja 5°C dnevna do 10°C	jutarnja 5°C dnevna do 13°C	jutarnja 5°C dnevna do 17°C	jutarnja 6°C dnevna do 12°C



ALMY BAUCENTAR



Vrandučka bb, 72.000 Zenica, 032/456-266, 446-510, 446-511, info@almy.ba, komercijala@almy.ba
Radnička bb, 72220 Zavidovići, 032/878-063

NAJVEĆI SALON STILSKOG NAMJEŠTAJA U BIH

KARYA garnitura



PERGE garnitura



ACTION dječja soba



TRUVA garnitura



COSMO garnitura



Trpezarija MIDAS -20%

Veliki izbor stilskih stolova,

**PERGE, LYMRA,
ELIZABETH, KARYA**

BELLONA

Namještaj za Vas



Namještaj za dnevni boravak, spavaće sobe, trpezarije, madraci, posteljine, ukrasni prekrivači
Sve to i mnogo više na trećem spratu ALMY BAUCENTRA
PREVOZ I MONTAŽA OBEZBIJEĐENI

INTERVIEW SEDMICE
ANTO ČIČAK
načelnik Općine Usora

Jačanje gospodarstva je prioritet

Održavanje treće po redu manifestacije „Otvorena vrata opština/općina i gradova BIH“ Usora 2009, bio nam je povod da ukratko porazgovaramo sa načelnikom ove jedne od najmlađih i najmanjih općina u Zeničko-dobojskom kantonu, Antonom Čičkom. Inače, Općina Usora je zvanično formirana 1998. godine, i danas broji oko 5.000 stanovnika. Prostire se na površini od 49,8 kvadratnih kilometara, a nalazi se u dolini istoimene rijeke, na magistralnom putu Dobojs-Teslić.

SUPER INFO Koji su to najvažniji projekti koje trenutno realizirate na prostoru vaše općine?

Općina Usora je već nekoliko poslednjih godina veliko gradilište, a najviše pažnje poklanjam razvoju gospodarstva. Tako je trenutno naš glavni projekat, od kojeg očekujemo zaista mnogo, izgradnja Industrijske zone u Žabljaku. Radovi su u punom zamahu, a cijeli ovaj kompleks, koji se sa svim sadržajima proteže na 55 dunuma, koštati će nas oko 1,5 milion KM. Očekujemo da jednu trećinu poslova privedemo kraju ove godine, kako bi već na proljeće gospodarstvenici krenuli sa gradnjom svojih objekata. Ova lokacija je veoma atraktivna, jer se nalazi odmah pored magistralnog puta Dobojs-Teslić, a moram istaći da će zainteresovani ulagači imati obezbijedenu svu prateću infrastrukturu (prilazni putevi, voda, struja, kanalizacija...).

SUPER INFO U kojoj mjeri vam pomažu kantonalne vlasti u poboljšanju infrastrukture?

Nakon rebalansa budžeta za 2009. godinu, iz kapitalnih ulaganja ZDK za putnu infrastrukturu,



odobreno nam je 190.000 KM. Nadamo se skorom potpisu ugovora sa izvođačima, kako bi sa radovima krenuli na proljeće. Uz pomoć resornog kantonalnog ministarstva, u Žabljaku smo prije dvije godine izgradili srednju školu, gdje smo registrovali i područni odjel OŠ „Ivana fra Frane Jukića“, a za rekonstrukciju centralne zgrade ove škole, koja se nalazi u Sivši, već smo osigurali oko 180.000 KM. Prošle godine smo izgradili i sportsku dvoranu pri ovoj školi, u koju uskoro planiramo investirati oko 60.000 KM za uvođenje grijanja i tu nam resorno ministarstvo također pomaže. Obezbijedili smo i sredstva za pokrivanje domova kulture u Žabljaku i Omanjskoj, a priveli smo

Obzirom da se oko 2.500 naših prijeratnih stanovnika trenutno nalazi u inozemstvu, oni za nas puno znače, jer nekoliko puta godišnje dolaze ovamo te ulažu u kuće i svoja imanja, a pomažu i naše gospodarstvo. Možemo se pohvaliti veoma malim brojem ljudi koji su definitivno odselili, jer većina naše dijaspora, prema njihovim riječima, planira kasnije da se vrati na ove prostore i tu provede posljednje dane svog života.

kraju i radove oko vodovoda u Ularicama. Riješeno je i pitanje zgrade PS Usora, a našim poginulim braniteljima je izgrađeno središnje spomen-obilježje.

SUPER INFO Šta za vas znači organizacija manifestacije „Otvorena vrata opština/općina i gradova BIH“?

Ova manifestacija je odličan način promidžbe malih općina poput naše te prilika da pokažemo da se i kod nas ima mnogo toga za vidjeti. Ujedno je ovom prilikom pojačan i interes medija, kao i načelnika drugih općina, sa kojima razmjenjemo iskustva i informacije. Sigurno je bilo nekih propusta u organizaciji, ali mi ovo radimo po prvi put, što je za nas velika čast. Doista smo se potrudili da to ispadne što bolje, sa vlastim sredstvima i znanjem, a pohvalio bih i dobru saradnju sa MDP-om, koji nam je pomogao pri organizaciji. Inače, imamo odličnu saradnju sa ostalim općinama, pogotovo našim susjedima, Tešnjom, Dobojsom i Doboj Jugom, sa kojima često održavamo sastanke na kojima organizujemo razne akcije i projekte.

SUPER INFO Koliko ste zadovoljni odnosom medija prema vašoj općini?

Moram istaći da i nismo baš najzadovoljniji kako mediji prate naše aktivnosti, ali koliko je to do njih, toliko je i do nas. Mi svakako moramo agresivnije nastupiti, a ova manifestacija je upravo jedan način za to, dok s druge strane, većina medija ima dosta nestručnih i priučenih novinara, koji se moraju ozbiljnije baviti nekim problemom i istraživati ga sa više strana. Radio postaja Usora je naš ponos i tu imamo jednu emisiju gdje prezentujemo sva tjedna dešavanja, a još od 2004. godine tromjesečno izdajemo i općinski bilten. Svakako nam treba podrška još nekoliko medija, a nadam se da ćemo u narednom periodu imati dobru saradnju i sa SuperInfom, kao jednim afirmativnim i laganim štivom, u kojem svi čitaoci mogu pronaći nešto za sebe.

DRUŠTVO ZA PROMET AUTODIJELOVIMA

Europart

d.o.o. Zenica

1 GARANCIJA
godina

ul. Zmaja od Bosne 1, Tel. + 387 (32) 405 339,
Fax + 387 (32) 406 255, e-mail: europart@telekabel.ba



SETRA



Mercedes-Benz

NEOPLAN

ELEKTRONSKA DIJAGNOSTIKA



za autobuse,
kamione,
prikolice i laka
komercijalna
vozila svih
evropskih,
američkih i
azijskih
proizvođača

Rebalans



Vijećnici Općinskog vijeća Visoko većinom glasova su usvojili prijedlog općinske Službe za budžet razvoj i finansije, da budžet za 2009. godinu bude smanjen sa 11,9 na 9,2 miliona KM. Rebalans od 23 posto uzrokovala su kreditna sredstva koja će sigurno biti realizovana, ali ne na način kako je ranije planirano. Pri smanjenju budžeta vodilo se računa da korisnici koji zavise od budžetskih sredstava, ostanu najmanje oštećeni, a rad javnih preduzeća i ustanova ne bude ugrožen.

Pad prihoda

Ukupni prihodi budžeta Općine Zenica za deset mjeseci ove godine bili su oko 25 miliona konvertibilnih maraka (KM), što je više od 12 miliona KM manje u odnosu na planirani iznos i realizaciju u prošloj godini. Prihodi od poreza ostvareni su u iznosu od 14 miliona i 675 hiljada KM, a neporezni su bili u nivou od sedam miliona i 929.559 maraka. "Tkuće potpore, grantovi u pomenutom periodu iznosili su 261.687 KM i manji su za više od 600 hiljada u odnosu na prošlu godinu", kazala je Mirha Elezović iz Službe za budžet i finansije. Namjenske doznake, uglavnom od Zeničko-dobojskog kantona, za deset mjeseci ove godine iznosile su oko 1,5 milion i otprikljike su na očekivanom nivou. "Što se tiče rashodovne strane, trošili smo u skladu sa prilivom sredstava, što znači da su na snazi bile mjere štednje pri čemu su finansirani samo redovni transferi za koje je nadležna općinska uprava, prije svega u socijalnoj oblasti u šta spada i pomoći Gradskoj narodnoj kuhinji", kazala je Elezović. Ovogodišnji budžet zeničke Općine planiran je u iznosu od oko 44 miliona maraka, ali je već sada izvjesno da će njegova realizacija biti znatno manja.



Petlja u Čatićima

Nakon sastanka u prostorijama Općine Kakanj, kojem su prisustvovali predstavnici Direkcije za izgradnju, upravljanje i održavanje autocesta FBiH i predstavnici kakanjskih velikih privrednih subjekata, Erdal Trhulj, direktor Direkcije obavijestio je kakanjskog načelnika Mensura Jašarspahića da na terenu postoje povoljne okolnosti za izgradnju petlje u Čatićima i da je izdao instrukciju da započne izrada projekta za petlju. Načelnik Jašarspahić je istakao da će posebno insistirati da graditelji autoceste poštuju odluke Općinskog vijeća Kakanj, kao i da uvažavaju mišljenja građana. „Ja sam čovjek kompromisa, spreman sam razgovarati i sa predstavnicima Vlade ZDK i resornog ministarstva za komunikacije u vezi sa rješenjem problema regionalnog puta kroz Kakanj. Nadam se da ćemo razgovorom doprinijeti pronalasku najboljih rješenja za građane Kaknja“, dodao je načelnik Jašarspahić.



Razgovori o Natronu



Federalni premijer Mustafa Mujezinović razgovarao je u Sarajevu sa delegacijom kompanije "Natron - Hayat" iz Maglaja o problemima u nabavci sirovine za ovu kompaniju. Delegaciju maglajske kompanije predvodio je predsjednik Nadzornog odbora Yıldırım Akturk, a sastanku su prisustvovali i ambasador Turtske u BiH Vefahan Ocak, kao i premijeri ZDK i SBK. Premijer Mujezinović predložio je da Uprava "Natron - Hayata" dostavi opsežnu analizu stanja i problema u poslovanju, a da analize stanja i izvršavanja obaveza federalnoj Vladi dostave kantoni i preduzeća šumarstva koja prema ugovoru trebaju isporučivati celulolzno drvo toj kompaniji. Na osnovu tih podataka Vlada će donijeti zaključke i poduzeti konkretne korake sa ciljem da se 'Natron - Hayatu' osiguraju uvjeti za rad i razvoj.

Strategija razvoja



U prostorijama Općine Fojnica održana je konferencija za novinare povodom aktivnosti na dočnošenju Strateškog plana razvoja općine Fojnica za period 2010 – 2015. godina, kojom su predsjedavali načelnik Salkan Merdžanić, predsjednik OV Fojnica Vinko Protuđer i koordinator tima za razvoj Nevres Jemendžić. Ovaj tim je usvojio viziju po kojom bi Fojnica 2015. godine bila centar banjsko-rekreativnog, avanturističkog, sportskog i planinskog turizma, obezbjeđenih uvjeta za razvoj poduzetništva i zapošljavanja, čistog okoliša i zdrave hrane sa urađenom infrastrukturom i efikasnom lokalnom upravom. Fojnički načelnik Salkan Merdžanić je kazao da je zadovoljan što će širi auditorij biti upoznat sa ovim dokumentom koji je veoma bitan za svaku lokalnu zajednicu. „Strategija razvoja Fojnice nije samo na papiru, realno je da u narednih pet godina zacrtane ciljeve i realiziramo“, rekao je načelnik Merdžanić.

Zenička zaobilaznica

Gradnja poddionice Drivuša - Klopče, prve faze zeničke zaobilaznice, mogla bi početi već na proljeće ako sve preostale procedure budu provedene u roku. Glavni projekt je trenutno u završnoj fazi izrade, a u toku je i procedura ratifikacije kredita Kuvajtskog fonda za arapski ekonomski razvoj od 60 miliona KM. Kredit je već dobio saglasnost Predstavničkog doma Parlamenta BiH, a naći će se na idućoj sjednici Doma naroda. Sredinom mjeseca u našu zemlju će doputovati predstavnik Fonda radi stavljanja potpisa, nakon čega ćemo dobiti kredit. Poddionica počinje velikom petljom Drivuša, koja predstavlja južnu priključnu tačku za Zenicu, a nastavlja se još 2.700 metara zaobilazeći grad, do mjesta Klopče.



Voda



"Sa zadovoljstvom obavještavamo građane da je voda iz sistema gradskog vodovoda pitka i za upotrebu", saopšto je to prije nekoliko dana, putem službenog saopćenja medijima, općinski načelnik Maglaja Mehmed Mustabašić. Prema ovom obavještenju, okončani su svi poslovi vezani za izgradnju sistema vodosnabdijevanja grada Maglaja i dobijanja neophodnih vodnih dozvola. KJP Maglaj, Kantonalni zavod za javno zdravstvo i nadležna inspekcija permanentno će raditi na održavanju postojećeg kvaliteta pitke vode. "Još jednom izražavamo zadovoljstvo nakon završetka ovog značajnog projekta za sve građane općine Maglaj", navodi se u ovom saopćenju.

Investicija od 20 miliona eura

U Zenici je otvoreno postrojenje za razlaganje zraka u koje je kompanija Messer investirala 20 miliona eura. Postrojenje se nalazi u krugu ArcelorMittala, a prva je takva fabrika u BiH. Izgrađena je po najsavremenijim metodama koje se trenutno primjenjuju u svijetu. Glavna djelatnost postrojenja jeste snabdijevanje ArcelorMittala kisikom i argonom, koje oni koriste u procesu proizvodnje čelika. Tečni argon i tečni kisik su namijenjeni za tržište BiH i izvoz. U fabriki će biti zaposleno novih 25 ljudi, starosne dobi do 25 godina.



Poticaji firmama

Na prijedlog Ministarstva privrede, Vlada ZDK usvojila je više odluka vezanih za odobravanje sredstava malim i srednjim preduzećima. Tako je više privrednih društava



dobilo sredstva za refundaciju administrativnih troškova prilikom izgradnje proizvodnog objekta. Po tom osnovu je preduzeću „Porobić“ Zavidovići dodijeljeno 12.000 KM, preduzeću „Faro“ Zenica - 32.000 KM, a firmi „Koka promex“ Visoko - 24.000 KM. Potom, preduzeću Omega comerc Visoko dodjeljena su sredstva po dva osnova - na ime subvencioniranja uvođenja i certifikacije HACCP standarda za upravljanje kvalitetom - 8.000 KM i na ime regresiranja kamata na investicijski kredit - 2.986 KM. Više preduzeća ispunilo je uslove za subvencioniranje uvođenja standara ISO 9001:2000, pa je po tom osnovu firmi „Braća Karić“ ododijeljeno 8.000 KM, privrednom društvu „Albex Groupe“ Visoko - 9.000 KM i preduzeću „Ziko“ Zavidovići - 15.000 KM.

Pronadite Vaše novo slatko zadovoljstvo

Kupujmo domaće

High Quality sweets

Consul

MONDOZI

AM Komerc - Consul

Podgaj bb. Bugojno. BiH

030/254-390. 061/187-560

Kvalitet i sigurnost proizvoda garantuju ISO:2001 i HACCP certifikati

Popločavanje



Dio trotoara u ulici Braničeva u Visokom uskoro bi trebao dobiti novu pješačku podlogu. Stari asfalt i kamene kocke oko drveća zamijenile moderne ploče u obliku ruže, što je samo početak «uličnog uljepšavanja» u gradu podno Visočice.

Sterilizacija pasa



Općina Zenica u saradnji sa Udruženjem za spašavanje i zaštitu životinja ŠAPA Zenica i holandskom organizacijom Stichting Dierenopvang Bosnie organizovala je pilot projekat sterilizacije i kastracije napuštenih pasa latalica. Općina Zenica osigurala je nabavku neophodnog materijala i lijekova, Veterinarska stanica Zenica stavila je na raspolaganje svoje prostorije i tehničku podršku, holandska organizacija za pomoć napuštenim psima u BiH Stichting Dierenopvang Bosnie koja već niz godina organizuje slične projekte u drugim dijelovima BiH, pružila je stručnu i veterinarsku pomoć, dok je Udruženje ŠAPA Zenica pružilo tehničku i logističku podršku projektu. „Napušteni psi latalice su isključivo obuhvaćeni ovim pilot projekom, sterilisani/kastriрani, očišćeni od stomačnih i vanjskih parazita, vakcinisani protiv bjesnila, te markirani žutom oznakom na uhu koja na sebi ima broj, i koja je znak da je pas koji takvu markicu nosi obuhvaćen projektom. Svaki pas je uveden u bazu podataka“, objašnjavaju nosioci projekta.

Nova hala

Džemal Subašić, vlasnik firme ASVAL d.o.o. Tešanj, ovih dana počeo je gradnju nove proizvodne hale. Firma ASVAL se bavi obradom metala (zupčanika) i posluje sa velikim firmama kao što su Mercedes, MAN, a uskoro bi trebala biti ostvarena saradnja i sa Volkswagenom. Izgradnjom nove hale stiče se uslovi za dobijanje potrebnih certifikata za kvalitet, ali i upošljavanje većeg broja ljudi. Završetak hale se očekuje sljedeće godine.



Stipendije

Potpredsjednik Federacije Bosne i Hercegovine Mirsad Kebo u direkciji Rudnika mrkog uglja Kakanj uručio je jednokratne stipendije djeci zaposlenih i penzionisanih radnika RMU Kakanj. Stipendije u iznosu po 1.000 KM, koje su obezbijeđene iz tekućeg transfera potpredsjednika FBiH, dobili su Kemal Bešić, Amra Begić, Izet Hajduković, Zijada Begić, Senadina Haračić, Nejra Lepić, Mevnuna Neimarlija, Anela Sikira, Vehid Smaka i Nerina Velispahić.



Podrška medijima

Medijima sa područja ZDK ove godine će iz kantonalnog budžeta na ime podrške biti raspodjeljeno 140.000 maraka. Odobreni iznos manji je za 66.000 maraka ili skoro 30 posto nego lani. Na prijedlog Komisije za medije, kantonalna Vlada je u srijedu usvojila Program utroška sredstava, a sredstva su raspodijeljena na 29 medija u skladu sa dosadašnjim kriterijima, te zastupljenosti praćenja Vlade i Skupštine ZDK u medijima. „Odobrena suma ravnomjerno je raspodijeljena na radio i televizijske, te printane medije i agencije“, saopćeno je iz Vlade ZDK.

Sajam



Peti, izložbeno - prodajni sajam poljoprivredno-prehrambenih proizvoda „Jesen u Visokom“, održan je početkom novembra. Na dvodnevnoj manifestaciji, proizvođači su uživali na štandovima ali i u bogatom edukativnom programu, čime je manifestacija dobila još više na kvalitetu. Veliki broj izlagača i posjetilaca potvrda je da je Općina Visoko kao organizator, ponovo uspjela razbudititi davno usnuli visočki trgovački duh.

Javna rasprava

U Sali Općinskog vijeća Tešanj održana je javna rasprava o nacrtu Strategije omladinske politike na području ZDK za period 2009-2014. godina. Javnoj raspravi su prisustvovali predstavnici škola sa područja općine Tešanj, predstavnici javnih ustanova, predstavnici udruženja mladih, predstavnici Tima za izradu Strategije za mlade općine Tešanj, predstavnici Komisije za mlade Vijeća, vijećnici, te predstavnici medija. Inače, javna rasprava na nacrt Strategije omladinske politike na području ZDK za period 2009-2014. godina bit će provedena u svih dvanaest općina na području ZDK.



Inspeksijske kontrole

Inspektori Kantonalne uprave za inspeksijske poslove ZDK u posljednje vrijeme, kontrolom rada trgovaca i ugostiteljskih objekata, došli su do saznanja da je ponovno intenzivirana pojava neizdavanja računa za usluge i robu. Stoga će u narednom periodu biti intenzivirane kontrole u svim općinama sa područja Kantona, a posebno u dane vikenda, kako bi se spriječilo kršenje zakona u ovoj oblasti.

Protektiranje guma



Proizvodi od guma su danas od neprocjenjive važnosti jer su zastupljeni u svim područjima ljudskog djelovanja. Ipak, sama proizvodnja guma spada u prljave tehnologije, pa se zato proizvođači, posebno za potrebe automobilske industrije odlučuju obnavljati postojeće gume. Statistika govori da je u Evropi i u SAD na teretnim vozilima svaka druga guma protektirana. Protektirane gume koriste i avio kompanije za svoje letjelice između deset i petnaest puta, bez obzira što su kriteriji za korištenje guma u ovoj branši vrlo strogi. Jedna od domaćih tvrtki koja se upravo bavi proizvodnjom protektiranih guma je firma „Sintex“ u Mravićima, općina Doboj Jug. Meho Ibrahimović je istakao da su ideju oko pokretanja ove proizvodnje imali unazad deset godina, ali da su se uslovi stvorili tek posljednjih mjeseci.

Notari u Žepču



Imenovani su notari za Žepče i to Elza Dilber i Gordana Nalić. Već 12. oktobra novi notari su počeli rad sa strankama, čime je ispunjena velika želja i pravo građana općine Žepče, kako ne bi morali nepotrebno odlaziti u susjedne gradove. Notari će vršiti obradu isprava, ovjeru kopija i potpisa, pravne poslove vezane za stjecanje vlasništva i prava na nekretnine, pravne poslove vezane za osnivanje i registraciju privrednih društava, sačinjavati bračne i predbračne ugovore i drugo.

Tehnološki centar

U Tešnju je svečano otvoren ARTECO, Tehnološki centar za drvnu industriju. Centar je osnovan uz podršku projekta Inovacije u biznisu koji zajednički finansiraju Američka agencija za međunarodni razvoj (USAID) i Norveško ministarstvo inostranih poslova. ARTECO su zvanično otvorili Jan Braathu, ambasador Norveške u BiH i Fadi Čostović, osnivač centra. U prigodnim govorima uspješan rad Centra su takođe zaželili Allan Reed, direktor USAID-a za BiH, te predstavnik Udruženja privrednika Tešanj-Jelah Izudin Turkeš, inače savjetnik općinskog načelnika Tešnja za saobraćaj. ARTECO centar će biti pokretač pozitivnih trendova u drvnoj industriji i ponuditi tehnološku, dizajnersku, i marketinšku platformu koja će služiti kao razvojni oslonac bh. drvoprerađivačima na putu ka ostvarenju globalne konkurentnosti.



Nagrada za Agroinkubator

Projekat "Uspostavljanje Agroinkubatora" Žepče koji je implementirala Udruga poduzetnika i poslodavaca Žepče dobio je nagradu za Pionirske razvojne projekte za 2009. godinu od Programa Arapskog zaljeva za razvojne organizacije Ujedinjenih Naroda (AGFUND). Na sjednici koja je održana u Istanbulu pod predsedanjem predsjednika AGFUNDA princa Talal Bin Abdul Aziza, Odbor za dodjelu nagrada odobrio je tri pobjednička projekta među 39 projekata iz 33 zemlje sa četiri kontinenta. U drugoj kategoriji nagrada: "Napor nevladinih organizacija u podršci i poticaju malim poljoprivrednicima u siromašnim zajednicama, primjenom novih tehnologije u povećanju njihovih poljoprivrednih proizvoda", Udruga poduzetnika i poslodavaca Žepče proglašena je pobjednikom sa svojim projektom "Uspostavljanje Agroinkubatora" Žepče.



TELEKABEL KABLOVSKA TELEVIZIJA

**od 25. 10.
do 15. 11.**

Požurimo, akcija traje do 15. 11.

POKLON ženičkim penzionerima

PRIKLJUČAK NA KABLOVSKU TELEVIZIJU I INTERNET

U VIŠESTAMBENIM ZGRADAMA **1 KM**

U PRIVATNIM KUĆAMA **49 KM**

Pozovite 446 - 110 i
446 - 111
uživajte u praćenju
43 TV kanala

Štrosmajerova 11
72000 Zenica

U VIŠESTAMBENIM ZGRADAMA **1 KM**

U PRIVATNIM KUĆAMA **49 KM**

Obnovljeno igralište



Pripadnici turske vojne misije u BiH obnovili su dječje igralište koje se nalazi u Turskom parku na Kamberovića polju u Zenici. Dotrajale sprave su zamjenili novim. Turci su uložili oko 18.000 eura, a Općina Zenica oko 6.000 maraka.

Folklor Interfest



Na Drugom internacionalnom dječjem festivalu folklora "Folklor Interfest 2009", koji je održan u Zenici nastupilo je oko 400 mladih folklorista. U Hrvatskom domu "Kralj Tomislav" u Zenici nastupile su hrvatske folklorne grupe "Matija Gubec" iz Donjeg Miholjca i "Biseri Slavonije" iz Beničenaca, članovi folklornog društva "Norkoping" iz Švedske, KUD-ovi "Daire" iz Sarajeva, "Zavidovići" iz Zavidovića, "1001 Noć" iz Fojnice, "Behar" iz Tešanjke, Ansambl centra za kulturu Goražde i domaćin "Ansambl Bosnia Folk" Zenica. Kao posebni gosti na ovogodišnjem "Folk Interfestu" nastupili su članovi folklornih sekcija Zavoda 'Drin' iz Fojnice, zatim članovi folklornih sekcija zeničkih udruženja "Svjetlost", koje okuplja osobe sa posebnim potrebama, zatim Specijalne osnovne škole, i zeničkog udruženja "Romano Centro".



Promocija stote knjige

U muzeju grada Zenice predstavljena je stota knjiga objavljena u Centru za kulturu i obrazovanje Tešanj, što je ujedno bio i svojevrstan jubilej. Poznati pjesnik i urednik biblioteke, Amir Brka, «U mom atelijeru» je predstavio čak 16 pjesnika, koji su za Tešanj vezani porijeklom ili pak radom vezanim za grad. Riječ je o 100. knjizi objavljenoj u produkciji Centra za kulturu Tešanj.



Obnovljena škola

U saradnji sa REZ Agencijom, holandska organizacija „KMA BREDA“ je obezbijedila finansijska sredstva, ali i svoj lični doprinos kroz angažman svojih volonteru u sanaciji područne škole u Golešu, općina Travnik. Do sada su izvršeni molersko dekoratorski radovi, rekonstrukcija hodnika, postavljanje keramičkih pločica, farbanje stolarije, postavljanje novih podnih obloga, kupovina savremene magnetne table. Projekat predstavlja nastavak aktivnosti koji je pokrenula REZ Agencija u 2007. godini, pod sloganom „Vratimo život prigradskim naseljima“. Na području općine Travnik, aktivnosti su obuhvatile uspješnu obnovu osnovne škole Karaula, osnovne škole Vitovlje, osnovne škole Bijelo Buće-Pulac, osnovne škole Vlahovići te organizaciju Kids Festivala u Turbetu, obnovu igraonice Sunce te odlazak više od pet grupa od po 52 učenika u Holandiju na tronodjeljni odmor.



Biblioteka



Zenički načelnik Husejin Smajlović i ministrica za nauku, kulturu i sport ZDK Zdenka Merdžan otvorili su novo odjeljenje Opće biblioteke Zenica u naselju Novo Radakovo. Prostorije se nalaze u ulici Čire Truhelke 10, u ovom odjeljenju biblioteke nalazi se 3.500 knjiga namijenjenih djeci, omladini i odraslima, a posao u njoj će dobiti mlada knjižničarka. Pomenuto odjeljenje biblioteke nudi i kutak za najmlađe sa naslovima za njih, novine i časopise za penzionere.

Komisija za mlade



Komisija za pitanja mladih Općine Zenica najavila je aktivnosti Koordinacije političkih podmladaka Općine Zenica, formirane nedavno s ciljem zajedničkog profilisanja politike razvoja omladinske politike. Radi se o neformalnoj asocijaciji koju čine mladi politički aktivisti svih parlamentarnih stranaka. "U vremenu kada političke partije ne komuniciraju i ne sarađuju naša želja i cilj je da mladi u političkim strankama sarađuju kroz kordinaciono tijelo koje će zajedno sa Komisijom za mlade Općine Zenica djelovati na poboljšanju položaja mladih u Zenici. Zajedno smo jači, je naša parola, s obzirom na to da imamo zajedničke probleme i nismo opterećeni stranačkim podjelama", kaže predsjednik Koordinacije Jasmin Imamović.



Promocija

Zajednička promocija završenika prvog i drugog ciklusa studija Univerziteta u Zenici, na kojoj je promovisano 476 diplomata i deset magistara nauka održana je u Gradskoj areni Zenica. U magistre su promovirani: Nedžad Haračić, Borislav Bošnjak i Omer Zukić, Alaudin Brkić, Maja Sahadžić, Hajrudin Hadžidedić i Đenana Čolaković, Nebojša Vasić, Mirsada Čajlaković i Amela Bostandžija. Promovirani su novi inžinjeri metalurgije, metalnih materijala, nemetalnih materijala i mašinstva, profesori razredne nastave, matematike i informatike, književnosti, njemačkog jezika, pravnici, ekonomisti, medicinske sestre/tehničari, profesori islamske vjeronauke i socijalne pedagoze. Nagradu rektora dobio je student Nurdin Mahmutović sa Islamskog pedagoškog fakulteta, diplomiran student sa projektom ocjena 9,43. Na Univerzitetu u Zenici trenutno studira više od 6.500 studenata.



pizza FRATELLI

Uobilju zeničke ugostiteljske ponude, svakako da posebno mjesto među ljubiteljima dobre hrane zauzima i pizzerija FRATELLI. Ovaj objekat se nalazi u Fakultetskoj ulici, na broju 20, preko puta Mašinskog fakulteta, u kojem su braća Almin i Nermin Hajder svoje ideje pretočili u stvarnost. Inspiraciju za uređenje enterijera i ono što nude posjetiocima ove pizzerije pronašli su, između ostalog i u Italiji, domovini paste i pizze. Inače, pizze se u Fratelliju peku u tradicionalnoj krušnoj peći, na bukovim drvima. Većina ljubitelja ove vrste hrane složit će se da je tajna do-



Posjeta



Futao Matai, ambasador Japana u BiH boravio je u posjeti Univerzitetu u Zenici, gdje je na Fakultetu za metalurgiju i materijale održao predavanje studentima na temu „Spoljna politika Japana i tajna uspjeha“. „Došao sam u posjetu Univerzitetu u Zenici na poziv rektora Sabahudina Ekinovića. Impresioniran sam rezultatima njegovog rada u proteklom nekoliko godina i naporima koje je uložio kako bi ovaj univerzitet podigao na mnogo viši nivo. Oduševljen sam njegovim nastojanjima da Univerzitet ima mnogo više fakulteta kako bi se radilo na razvoju ljudskih resursa u ovoj zemlji,“ kazao je ambasador Matai. On je dodao kako je dogovorenno uspostavljanje saradnje između Ambasade Japana u BiH i zeničkog Univerziteta.



brog okusa skrivena upravo u ovoj kombinaciji. Vinski kartu Fratellija čine probrana slovenačka vina, kao i brojna originalna vina iz renomiranih podruma Vipave, Kutjeva te Hercegovina vina, a među desetak vrsta piva u Fratelliju možete popiti i njemački Krombacher. Fratelli je pizzerija kapaciteta oko 50 gostiju koja radi svakog dana od 7,30 do 23 sata, izuzev nedelje. **Dostava i na kućnu adresu na području grada Zenice (telefoni za narudžbe i rezervacije 061 841 412, 032 246 656 - minimalna narudžba 8 KM).**



Pet decenija

Fakultet za metalurgiju i materijale Univerziteta u Zenici ove godine obilježava 50 godina postojanja. Tradicija visokog obrazovanja u Zenici počinje 1959. godine sa osnivanjem Visoke tehničke škole za pogonske inženjere metalurške struke, a dvije godine kasnije osnovan je Metalurški fakultet pri Univerzitetu u Sarajevu, koji od 2005. godine djeluje pri zeničkom Univerzitetu. U proteklih pet decenija u ovoj visokoškolskoj ustanovi obrazovanje je steklo 1.075 diplomiranih inženjera, 45 magistara i 35 doktora nauka, te 60 inženjera metalurgije. Ove godine na Fakultet za metalurgiju i materijale u Zenici upisano je više od 120 bručaša.



Cjenovnik:

PIZZE:	MALA	VELIKA
Margarita (pica sos, sir)	4,00	5,50
Funghi (pica sos, sir, gljive)	4,50	6,00
Salami (pica sos, sir, salama – šunka pureća/pileća)	4,50	6,00
Cannes (pica sos, sir, šunka pureća/pileća, ananas)	5,00	7,00
Capriçoza (pica sos, sir, šunka pureća/pileća, gljive)	5,00	7,00
Mexicana (pica sos, sir, ljuta salama, feferoni)	5,00	7,00
Quattro Formagio (trapist, gorgonzola, mocarella, parmezan)	5,50	7,50
Quattro Stagione (pica sos, sir, šunka pureća/pileća, masline, povrće, mocarella)	5,50	7,50
Marinara (paradajz, bosiljak, masline, bez sira)	4,50	5,50
Al Tono (pica sos, sir, tuna, crveni luk)	5,00	7,00
Vegetariana (pica sos, sir, sezonsko povrće)	5,00	6,00
Calzone (filovana pica, pica sos, šunka pureća/pileća, gljive, sir)	5,00	7,00
Calzone con Verdura (filovana pica, pica sos, sezonsko povrće)	5,00	7,00
Napoletana (pica sos, sir, slane srdele, masline)	5,00	7,00
Al Salmone (pica sos, sir, losos, masline)	6,00	8,00
Proscuitto (pica sos, sir, pršut govedi)	5,00	7,00
Locco (pica sos, sir, artičoke, šunka pureća/pileća, slane srdele, masline)	6,00	8,00
Mamma Mia (sos, sir, šunka pureća/pileća, gljive, čili, jaje)	6,00	8,00
Specialita di cassa (sos, sir, šunka pureća/pileća, govedi pršut, povrće, jaje)	6,00	8,00
Frutti di mare (pica sos, sir, plodovi mora, masline)	6,00	8,00
Extra dodatak		1,00
Lasagne Ragu (bolognez sos, mesni sos)		6,00
Maslanica „FRATELLI“ (sir u tjestu, teletina, gljive u sosu)		8,00
Verdura alla grillia (povrće na žaru)		5,00
Funghi al Forno (gljive na žaru)		5,00
Sve vrste italijanskih salata		4,50 - 5,50



Uložiti 100 miliona eura

Tomislav Lukić, savjetnik ministra za okoliš u federalnom Ministarstvu okoliša i turizma, izjavio je da je izrada okolišnih dozvola za devet postrojenja ArcelorMittala Zenica d.o.o u završnoj fazi, te da će biti izdata ovih dana. "Planovi aktivnosti s mjerama i rokovima za postupno smanjenje emisija u narednih pet godina vezani za kompaniju ArcelorMittal u Zenici su usvojeni. Napomnjem da je riječ o devet okolišnih dozvola za devet postrojenja i da se radi o vrlo kompleksnom i komplikovanom projektu", rekao je Lukić i dodao da je ova kompanija tražila umanjenje obaveza, ali da Ministarstvo nije moglo izaći u susret ovakvim zahtjevima. "Postoji otklon između realnosti i mogućnosti. Bez obzira na stanje, kompanija ArcelorMittal se ne može zatvoriti", rekao je



Lukić. Na pitanje da li je riječ o jednoj vrsti kompromisa, Lukić je rekao da je to, bez obzira da li je kompromis ili ne, realnost i stvar provodljivosti. "Riječ je o staroj tehnologiji koja je napravljena prije 30 ili 40 godina i potrebno je uraditi najbolju prilagodbu tehnikama koje

će smanjiti zagađivanje. Ta se postrojenja ne mogu jednostavno srušiti i izgraditi nova", rekao je Lukić. Plan aktivnosti podrazumijeva uzgradnju filtera, elektro filtera, prečišćivača otpadnih voda i niz drugih mjera koje će utjecati na smanjenje zagađenja životne okoline. Kako je Lukić rekao, ti troškovi u narednih pet godina ArcelorMittal će koštati oko 100 miliona eura što se rukovodstvu kompanije činilo prevelikim. Međutim, kako navodi Lukić, ako su cementara u Kakanju i koksara u Lukavcu mogle uložiti 50 do 100 miliona eura ne postoji razlog da to ne uradi i ArcelorMittal. On je istakao pozitivan primjer tih kompanija koje su dovele do radikalnih promjena u gradovima u kojima se nalaze.

Ništa nije sporno !?

Federalna uprava za inspekcijske poslove objavila je rezultate inspekcijskog nadzora obavljenog u noći sa 24. na 25. oktobar, po prijavi mještana zeničkog naselja Tetovo., smještenog u neposrednoj blizini fabričkih postrojenja kompanije „ArcelorMittal“ Zenica. Šest inspektora različitih resora utvrdili su tom prilikom da nije primjećeno ništa neuobičajeno, što nije utvrđeno ranijim pregledima u krugu kompanije. Vizuelnim pregledom sa lokaliteta Tetova primjećeno je „samo povremeno povećanje emisije dimnih plinova kao rezultat redovnog tehnološkog procesa, a mjera regulisanja otprašivanja naložena je ranijim rješenjem inspektora i aktivnosti na nje-

nom izvršenju su u toku“, navedeno je u nalazu Inspekcija. U nalazu se navodi da je kompanija počela sa izvršavanjem mjera naloženih prethodnim rješenjima, da su sve otpadne tehnološke vode s pogona Koksare sprovedene na pogon za biohemiski prečišćavanje, da su blindirani sporni kanalizacioni otvori, te da je angažovana firma za otklanjanje grešaka na elektrofilterima pogona Aglomeracije. S druge strane, u Izvještaju o presjeku inspekcijskih aktivnosti u pogonima ArcelorMittal-a“ Zenica, izuzev cifre o ukupnoj do sada izrečenoj kazni za utvrđene prekršaje (66 prekršajnih nalogi i 59.500 KM kazni izrečenih odgovornom i pravnom licu), navodi se da je nedvojbeno utvrđeno da je kompanija odgovorna za isticanje onečišćene industrijske tečnosti u rijeku Bosnu, te da je Vodoprivredna dozvola kompaniji istekla još u martu prošle godine. Ipak, začuđuje činjenica da su inspektori u nekoliko navrata produživali rokove za otklanjanje nedostataka utvrđenih inspekcijskim nadzorom u različitim postrojenjima „ArcelorMittal-a“.



Akcija građana



„Drsko i beskrupuljno ponašanje kompanije “ArcelorMittal” i svih onih koji je podržavaju je civilizacijski nedopustivo, nemoralno i zakonom zabranjeno. Došlo je vrijeme kada treba neko da snosi račune za višegodišnje trovanje i maltretiranje građana zeničkog naselja Tetovo“, navodi se u Pisusu podrške Akcije građana Zenica mještanima naselja Tetovo. Podsećajući na nesnošljivost buke u lokalnoj osnovnoj školi u Tetovu, podatke o porastu kancerogenih oboljenja u Zeničko-dobojskom kantonu i višestrukim prekoračenjima dozvoljenih emisija polutanata, Akcija građana podržava namjeru stanovnika zeničkog naselja Tetovo da putem tužbi protiv zagađivača, ostvare svoja prava i nadoknade ogromnu štetu nanesenu njihovom zdravlju, kao i okolišu.

Darivanje krvi



Uspješno je obavljena humanitarna akcija darivanja krvi za potrebe Opšte bolnice u Doboju u kojoj su učestvovali dobrovoljni davaoci iz Doboju Juga. Crveni križ ove općine u svom programu rada tokom godine organizuje dva puta darovanje krvi za potrebe Kantonalne bolnice Zenica i Opšte bolnice Tešanj. Prošle godine je donesena odluka da se uvede još jedna akcija i to za potrebe pacijenata Opšte bolnice u Doboju kojoj se odazvalo 36 davalaca. Ove godine javio se 31 davalac, ali je nakon lječarskih pregleda krv darovalo njih 25.

Dan škole



Osnovna glazbena škola "Katarina Kotromanić Kosača" 26. listobada obilježila je Dan škole. Svečanost obilježavanja Dana škole započela je koncertom učenika škole u Kino dvorani Doma kulture Žepče, gdje je ukratko predstavljen rad i dostignuća škole. Inače, Osnovna glazbena škola "Katarina Kotromanić Kosača" djeluje u iznajmljenim prostorijama Župnog ureda Žepče, zbog čega je u tijeku izgradnja nove zgrade za potrebe škole.

Pripravnici

Programom sufinansiranja poticaja zapošljavanja VSS pripravnika u 2009/2010.godini koji je usvojila Vlada ZDK, predviđeno je zapošljavanje mlađih stručnih osoba sa VSS obrazovanjem bez radnog iskustva. Za ovaj program mogu aplicirati svi poslodavci sa područja ZDK i šire koji ispunjavaju tražene uslove. Ovim poslodavcima bit će subvencionirano mjesечно po 450 KM u trajanju od 12 mjeseci. Ovim načinom Vlada ZDK želi omogućiti za stotinu mlađih VSS nezaposlenih osoba da odrade pripravnički staž.

BOSNISCHER STOLZ

Uzgajivačica Njemačkih ovčara Žepče osnovana 2005. godine

Tel. 061/176-618

- Prodaja štenadi vrhunskog kvaliteta sa pedigreeom,
- Štenci su vakcinisani i očišćeni od parazita,
- Osvojeno dosta nagrada, kako domaćih tako i internacionalnih



VW Polo



2004. god., 1.2 benzin, FULL oprema, prešao 46000, registriran, potpuno očuvan, uredno servisiran.

Tel: 063 286 295

radnim danom: 8.00 - 18.30
subotom: 8.00 - 17.00
nedjeljom: 8.00 - 15.00

AUTODIJELOVI JASMIN & STRONG AUTO

Zenica, Kamberovića čikma 6, Tel 032/244.233, 405-010
Kakanj, Ulica Branilaca bb, Tel. 032/552-980
www.strongdoo.com
info@strongdoo.com

Na vrijeme pripremite svoj automobil za predstojeće hladne zimske dane!

Izdvajamo iz ponude
AUTODIJELOVA JASMIN

- * Alternatori
- * Alnaseri

* Grijaci...

Izdvajamo iz ponude
STRONG AUTO

- * Sve vrste hladnjaka
- * Branici,
- * Blatobrani,
- * Vjetrobrani,
- * Farovi...



AUTOSIGURNOSNI SISTEM
ZEDER
AUTOSIGURNOSNI SISTEM
Zastupnici za ZDK i SBK
Ugradnja sa garancijom **400 KM**

ZA VAŠU SIGURNU I
UDOBU VOŽNJI BRINU SE
AUTODIJELOVI JASMIN i STRONG AUTO



Zimske gume
Sava
195/65/15 = 95 KM
MICHELIN
195/65/15 = 143 KM



Akumulatori White Horse
3 godine garancije

„Otvorena vrata općina/opština

Treća po redu manifestacija »Otvorena vrata općina/opština i gradova BiH«, održana je krajem prošlog mjeseca na prostoru općine Usora. Ovaj dvodnevni skup je priredila zenička firma Boms-expo po sistemu Octanorm, a suorganizatori su bili Općina Usora, entitetski savezi općina i gradova Bosne i Hercegovine i Projekat upravne odgovornosti u BiH GAP. Pored sajamskog dijela, u kome se predstavilo 30 općina iz oba entiteta sa svojim razvojnim kapacitetima, planovima i programima, u konferencijskom dijelu se govorilo o brojnim problemima sa kojima se danas suočavaju lokalne zajednice. Na plenarnom sastanku, nakon



Uvodni pozdrav domaćina

pozdravne riječi načelnika Usore Ante Čička, skupu su se obratili potpredsjednik Saveza općina i gradova Federacije BiH Vlado Alilović, načelnik Doboja Juga Džavid Aličić i prof. dr. Mile Dmičić sa Banjalučkog univerziteta, koji je prisutnima poručio da je vrijeme da se traga za novim, inovativnim modelima lokalne samouprave.



Ceremonija otvaranja manifestacije je počela intoniranjem državne himne

Tri usorska brenda: kulturnjaci, karatisti i slikari



na i gradova BiH“ Usora 2009



Drugog dana manifestacije govorilo se o lokalnom ekonomskom razvoju i učešću građana u donošenju odluka na iskustvima Projekta razvoja općina na Dobojskoj regiji (MDP), zatim o pozitivnim iskustvima u relizaciji projekta »Pera» na jačanju komunikacije između lokalnog stanovništva i lokalne samouprave, te iskustvima u vezi korištenja konsultantskih usluga u općinskom sektoru u našoj zemlji.



Druženje načelnika iz Zavidovića Hakije Osmića i Doboja Juga Džavida Aličića



Usorani su uvijek bili poznati po gostoprимstvu



Potpredsjednik Saveza općina i gradova Federacije BiH i načelnik općine Vitez Vlado Alilović, načelnik općine Žepče Mato Zovko i načelnik općine Domaljevac Željko Josić



Štand općine Žepče

Fojničani na Bjelašnici



Malo se koje planinarsko društvo može pohvaliti bogatom planinarskom aktivnošću kao PD "Vranica" iz Fojnice. Svakog vikenda ovi vrijedni i iskusni ljubitelji prirode i planinarenja pohode neki od planinskih vrhova. Tako je to bilo i ovih dana kada su fojnički planinari napravili dva jednodnevna uspona na Bjelašnici, obilazeci atraktivna planinska područja i najudaljenije zaseoke od Umoljana do Lukomira u kružnoj turi od oko deset sati pješačenja.

Zahvalnice



Muzej grada Zenice upriličio je druženje u prostorijama svog caffe-kluba na kojem su se okupili direktori najaktivnijih osnovnih škola sa područja Općine Zenica. Zahvalnice za aktivno učešće, promicanje prosvjetno-kulturnih događanja i vjerno praćenje programske aktivnosti muzeja dodijeljene su OŠ „Musa Ćazim Ćatić“, OŠ „Edhem Mulabdić“, OŠ „Meša Selimović“ i OŠ KŠC „Sveti Pavao“, te Amni Sofić za izrazito zalaganje i podržavanje programske aktivnosti muzeja.

Mjesne zajednice

Vijeće Općine Zenica usvojilo je nacrt Odluke o organizaciji mjesne samouprave. Odlukom se utvrđuje organizacija i način funkcionisanja mjesnih zajednica, nadležnost i organi mjesne zajednice, kao i druga pitanja od značaja za organizaciju mjesne samouprave koja nisu regulisana Statutom Općine. Nacrt Odluke o organizaciji mjesne samouprave je obradio i oblike odlučivanja i sudjelovanja građana u lokalnim poslovima i usvojen je u predloženom obliku te upućen na javnu raspravu koja će trajati 30 dana.

Sporazum

S obzirom na sve veći trend osnivanja raznih udruženja građana i nevladinih organizacija na području općine Doboј Jug, Općinsko vijeće i općinski načelnik su pokrenuli proceduru uređenja partnerskih odnosa sa nevladnim sektorom. Za dvadeset sedam registrovanih nevladinih/neprofitnih organizacija i udruženja građana pripremljen je partnerski Sporazum sa nekoliko aneksa kojim će se u buduće regulisati ovo partnerstvo. Nakon provedene javne rasprave, predstavnici nevladinih organizacija iz Doboј Juga su potpisali ovaj sporazum sa Hasanom Škiljom, predsjedavajućim Općinskog vijeća i Džavidom Aličićem, općinskim načelnikom.



Nagrade za učenike



U okviru manifestacije Mjesec oktobar - mjesec zaštite od požara, u Tešnju su uručene nagrade najuspješnijim učenicima osnovnih škola do petog razreda koji su kroz natječaj svoje literarne radove o temi Vatrogasci, dostavili Službi civilne zaštite. Nagrađeni učenici su Ajla Školjić, Suljo Mujkanović i Lejla Zahirović. Za posebno znanje iz oblasti zaštite od požara Služba civilne zaštite je nagradila učenicu Ajnu Ibrahimkadić. Dodijeljene nagrade su knjiga Vatrogastvo u Tešnju 1905-2005., autora i publiciste Alije Galijaševića. Izvedena je i zajednička vježba učenika OŠ. Huso Hodžić Tešanj, PVJ Tešanj, Crvenog križa Tešanj i Hitne pomoći Doma zdravlja Tešanj. Vježbi su prisustvovali Općinski načelnik Fuad Šišić i direktor Kantonalne uprave CZ Sead Džanović, kao i mnogobrojni građani, učenici i mediji.

Žene za žene



Udruženje "Žene za žene Internationale" organizuje sa mjesnim udruženjima žena na regiji Doboј besplatne programe koji pružaju mogućnost proširenja znanja o različitim životnim pitanjima. Osim toga, ženama se omogućava pohađanje različitih kurseva i obuke uz moralnu, stručnu i finansijsku podršku. Program daje mogućnost razvijanja međusobnog prijateljstva uz ostvarivanje veza sa ženama Amerike. Žene su ga nazvale Program dobrih mogućnosti kojim se obogaćuje svakodnevica i unapređenje života. „Prvog dana razgovora o ovom programu u Doboј Jugu se upisalo oko sedamdeset zainteresiranih žena iz različitih starosnih skupina i kvalifikacija, uglavnom iz kategorije nezaposlenih koje su uzdaju u ovaj program“, kazala nam je Emira Arnaut, predsjednica Udruženja "Žena 21. vijeka" Doboј Jug. Upis žena za ovaj program je otvoren do daljnog.

4H-klub

Nevladina organizacija 4-H klub, osnovana je 2006., a registrovana 2007. godine u Zenici. Ona je ogrank nevladine organizacije 4-H iz Delaware-a (SAD) i broji oko 6 miliona članova u cijelom svijetu. Središte zeničke 4H se nalazi u američkom kutku u Općoj biblioteci. Svoj rad u Zenici je provodila kroz razne projekte, a ove godine započinje Klub digitalne fotografije i Klub amaterskog filma. U toku je upis zainteresiranih članova i okupljanje ekipa, te početak rada. „Naši planovi i ciljevi u radu kroz ove klubove su okupiti talentiranu omladinu, pomoći im u razvijanju njihovog talenta, upućivati ih na takmičenja, te raditi s iskusnijim kolegama koje su voljne pomoći savjetima. Pomažu nam Dado Ruvić i Mirza Subašić. U planu su radovi na temu, praćenje školskih događaja, te učenje kroz praktičan rad“, kaže Ivana Nježić koja vodi Klub digitalne fotografije.



Protected Under
10 U.S.C. 207

Centar NFS BiH

U iščekivanju utakmica baraža za plasman na Svjetsko prvenstvo iz Nogometnog saveza naše zemlje ovih je dana stigla još jedna dobra vijest. Nakon posjete zajedničke delegacije FIFA-e i UEFA-e Sarajevu otklonjene su sve dileme vezane za izgradnju Centra za pripreme reprezentativnih selekcija Bosne i Hercegovine. Tako će se ovaj Centar, kako je i prvobitno bilo planirano, već na proljeće početi graditi na Crkvičkom brdu u Zenici. Ovaj multifunkcionalni kompleks sadržat će terene sa prirodnom i vještačkom travom i tribinama, kao i ostale prateće objekte sa hotelom za smještaj igrača. Općina



Zenica na raspolaganje Nogometnom savezu stavila je lokaciju i preuzela obavezu da riješi pitanje pristupnog puta i neophodnu infrastrukturu. Izgradnjom ovog Centra grad Zenica će uz novu Arenu, stadion Bilino polje, atletski stadion Kamberovića polje i ostale objekte kojima raspolaže potvrditi ulogu istinskog sportskog centra Bosne i Hercegovine.

Čišćenje Kozice

Udruga sportskih ribolovaca Bušovača u suradnji sa ekološkom Udrugom "Eko-Bus" sprovodi aktivnosti čišćenja rijeke Kozice. Ovo je dio akcije koju su već započeli djelatnici Civilne zaštite Općine Busovača uz pomoć inžinjериjske jedinice vojske FBiH. Mjesec studeni će se proglašiti "Mjesec čišćenja rijeka" te iz ove udruge apeliraju i pozivaju sve građane općine Busovača da se pridruže akcijama čišćenja a poziv se odnosi posebice na



mještane koji žive uz rijeku Kozicu odnosno čije se parcele prostiru uz ovu rijeku rijeku. Akcije se izvode svaki dan, a organizirano čišćenje većih razmjera, planirana je za subotu, 7. studeni ove godine od 9 sati.

Stipendije

Mladim ljudima koji studiraju na univerzitetima u Bosni i Hercegovini svaka sredstva koja u vidu stipendija dobijaju iz različitih izvora velika su pomoć u nastojanjima da steknu akademска zvanja. Tako će biti i za šesnaest studenata sa područja općine Zavidovići koji su stekli uslov da primaju stipendije resornog kantonalnog Ministarstva. Načelnik Općine Zavidovići Hakija Osmić dodijelio je ovim mladićima i djevojkama ugovore, a sredstva su već uplaćena na njihove račune. Konkursnu proceduru provela je općinska služba, a za 16 studenata među kojima je i saradnica Superinfa Azra Hodžić, bit će izdvojeno po 800 maraka. Ovoga puta na



raspolaganju su bila sredstva za oko 50 studenta, ali s obzirom na to da se nije prijavio dovoljan broj njih, dio sredstava bit će prenesen u iduću akademsku godinu.

Apel za pomoć

Spasimo našeg Tarika

Tarik Kubura je 15 - godišnji dječak obolio od karcinoma jetre. Bolest je izlječiva ali iziskuje troškove koje njegovi nezaposleni roditelji ne mogu podnijeti. Za dječakovo liječenje na klinici Goethe - ovog univerzitetu u Frankfurtu u Njemačkoj potrebno je 16.000 EUR - a, ne uključujući troškove puta, boravka i sl. Ovim putem vas molimo da svojim novčanim prilogom omogućite liječenje mladog Tarika , i ulijete nadu u spas jednog dječjeg i ljudskog života. Račun na koji možete uplatiti svoj prilog, a koji glasi na ime Tarika Kubure je:

Uplate u KM, Raiffeisen bank, rn.1610550000000032

Poziv na broj: 09550270749 (navesti pod svrha doznake)

Uplate u devizama, Raiffeisen bank, rn.: 1610550000000032

Poziv na broj:19550148435 (navesti pod svrha doznake)

Pozivom na humanitarni broj 090 291 064 donirate 2 KM.



OSVOJI STAN !

1x Stan u Kaknju

1x Ugaona garnitura

1x LCD TV

Našradna iéra TC MERKUR Kaknji

od 08.08.2009 do 15.04.2010, kada je i finalno izvlačenje, uz veliki broj iznenadenja.

Pravila našradne iere:

Pravo učešća imaju samo oni kupci koje ostvare kupovinu u vrijednosti većoj od 50 KM. Na poledini računa moraju čitko upisati svoje lične podatke i broj telefona i isti ubaciti u kutiju predviđenu za izvlačenje.

1x mobitel
1x mašina za veš
1x mašina za sušenje
1x usisivač
1x sokovnik
1x fotoaparaz
2x polica osiguranja
20x tehnički predmet

S MERKUROM DO STANA !!!

M MERKUR

DISKONT MAXI

Goraždanska 28a
Radno vrijeme:
7,00 - 17,00 h.
Nedjelja:
7,30 - 14,00 h.



Deterđžent Onix

3,50



Sapun Palmolive 3+1

2,70



Pasta AquaFresh 1+1

5,40



Ulje Sani Bimal II

1,90



Paradajz sos 4250 g

16,42



Kečap Tomico 10 kg

18,70



Majoneza 5 kg

13,30



Majoneza Tomico 500 g

1,95



Baš ajvar

6,05



Extra pil. posebna 800g

2,95



Extra pil. posebna 400g

1,99



Pileća posebna 800 gr

5,60



Pilko pil.parizer

0,70



Pileća hrenovka 200 g

1,00



Pileća hrenovka 100 g

0,80



Pileća hrenovka 200 g

1,49



Poli pašteta 120 g

1,72



Pasteta pureća 2+1

2,50



Šlag spray 250 ml

2,40



Kafa Winer 500 g

4,40



Voćni jogurt meggle 150 g

0,54



Kremino crni 1 kg

4,90



Nika čok.sa rižom 150 g

1,45



Napolitanka 250 g

0,65



Paris sendvič 300 gr

1,60

Brašno tip 500 Kakanj 25/1 kg	11,90
Šećer sitni 5 kg	5,90
Koestlin štapići 250gr	1,00

Margarin grand master 1kg	2,20
Margarin Rama 500 gr	1,30
Stočno brašno 25 kg	5,50

Antenski kišobran



Kišobrani porijeklom iz Kine slabe su kvalitete, bez obzira na povoljnu cijenu. Jači vjetar ih lomi pa se ljudi snalaze na različite načine. Kakanjac na fotografiji je izabrao antenski kišobran. Ne boji se groma, a veli, uz još koji dodatak mogla bi se odgledati i Liga prvaka, jer mu je prijem nešto lošiji zbog uvale u kojoj se kuća nalazi, a i činjenice da mu komšinica non stop koristi fen u blizini sobne antene.

Šefa



Kad u Kaknju pitate ko je najveći majstor u prepoznavanju dobrog posla i zarade, svi će reći da je riječ o vlasniku «Music Shopa» Šefi Silajdižiću. Vele da ga ne «vadi» prezime, nego spremnost da pomogne ljudima. Tako je nedavno prijateljevo vozilo isčupao iz blata pa se poslije našlio na svoj račun, kačeći sajle za dječije biciklo, kako bi pozirao novinaru Superinfu.



NTV IC Kakanj obavljaće gledaoce sa područja Zenice da narudžbe za obavljanje, male oglase, sjećanja, tevhide, dženaze i sahrane, mogu vršiti u informativnom centru TV IC u Zenici u zgradama Poslovnog centra Roma II, Londža 132, 4. sprat.

Narudžbe se mogu vršiti svaki dan u terminu od 8:30h do 16:00h.

Sve informacije se mogu dobiti na broj tel: 032/404-407.

Matematičar Elmedin

Federalno ministarstvo obrazovanja i nauke je organizovalo manifestaciju "Znanjem u budućnost", na kojoj su uručena priznanja i stipendije za 44 talentovana učenika iz FBiH koji su osvojili jedno od prva tri mesta na federalnim, državnim i olimpijskim takmičenjima iz matematike, fizike i informatike. Među njima se našao i Elmedin Jasić, učenik OŠ "Novi Šeher", općina Maglaj, koji je prošle godine osvojio 2. mjesto na federalnom takmičenju iz matematike, a učestvovao je i na državnom takmičenju. Pored priznanja za postignut izuzetan uspjeh i prepoznatljive rezultate, pomenuto ministarstvo je za ove učenike obezbijedilo i stipendije, koje u ovisnosti od nivoa takmičenja i plasmana iznose i do 3.500 KM.



Bajram Dedo



Iako je Visoko na insistiranje «boraca protiv kiča» vještvo skrivenih iza vijećničke odgovornosti ukinulo Djed Mraza sa gradskih fasada i stubova rasyjete, velika je vjerovatnoća da se pred bajramske blagdane u novembru pojavi alternativni oblik «starca sa bradom». Zvaće se «Bajram Dedo» a utjeloviće ga Sejo, penzionisani policajac i košpicar koji planira umjesto kapuljače imati fes na glavi. Visočkoj školi trgovine niko nije dohakao, jer Sejo pored prodaje košpica uporno traga za pogodnim fesom. Crvena uniforma i bijela brada su već spremni. Osim toga, ulične prodavače paketića u standardnim crveno bijelim kombinacijama sa bradom, malo ko će uspjeti proglašiti kičom i nakon toga «ukinuti». Tu ni manjak sredstava za ukrašavanje grada ne pomaže.

Nema gripe H1N1



Prema informacijama iz zeničke hitne pomoći posljednjih dana povećan je broj pacijenata koji traže pomoći u ovoj Službi. Dnevno ih je u prosjeku oko 100, a u poslijepodnevnim i večernjim satima najviše je djece. Radi se uglavnom o virozama, sa simptomima povišene temperature, bolova u kostima i malaksalosti, a povećan je i broj slučajeva respiratornih infekcija kod djece. Od ukupnog broja pacijenata polovina njih imaju sezonsku gripu, a na ovom području još nije zabilježen ni jedan slučaj nove gripe H1N1. Vlada ZDK odobrila je sredstva od 38.000 KM za nabavku vakcina protiv sezonske gripe, koje će se davati hroničnim bolesnicima starijim od 65 godina. Također, Vlada je ranije izdvojila i iznos od 12.000 KM za nabavku lijeka protiv gripe H1N1.

Stajali vozovi

Sindikati u Željeznicama Federacije BiH - mašinovođa, izvršnog osoblja u području željezničke infrastrukture te tehničko-kolske održali su štrajk u svim prometno-poslovnim područjima u Sarajevu, Mostaru, Zenici, Tuzli i Bihaću. Štrajk je organiziran zbog problema u rješavanju osnovnih prava iz radnog odnosa, plaća i zaštite na radu. Štrajk je okončan nakon što su štrajkači dobili tražena uvjerenjivanja da će njihovi zahtjevi biti riješeni u zadatim vremenskim rokovima.



Juniori Rudara prvaci



Na završnici Juniorskog državnog ragbi prvenstva koje je održano na Kamberovića polju titula juniorskog prvaka BiH za 2009. godinu zaslужeno je pripala Ragbi klubu Rudar. Igrači ovog tima su prikazali najkvalitetniji ragbi i sa šest ostvarenih pobjeda i skor razlikom plus 219 osvojili prvo mjesto. Priznanje treba odati i Ragbi klubu „Gladijatori“ iz Dervente koji su pod vodstvom trenera Radomira Petković Štakre uspjeli za kratko vrijeme napraviti dobru ekipu i odigrati značajnu ulogu u prvenstvu. U konačnici Rudar je završio prvenstvo sa 18 bodova ispred Čelika koji ima 12, te Gladijatora koji su sakupili 9 bodova koliko ima i četvrtoplasirano Sarajevo koje ima lošiji skor-količnik. Sve utakmice su sudili Sabahudin Subašić, Alen Tica, Senad Čorić i Safet.

Preminuo Slavko Tavić



Slavko Tavić, sportski radnik iz Zenice, otac jedne od najboljih mladih košarkašica Europe i reprezentativke BiH 17-godišnje Matee Tavić, preminuo je u 50-toj godini u Zenici nakon teške bolesti. Kroz angažman u košarci Slavko je stekao veliki broj prijatelja i bio je veoma cijenjen kako u Zenici tako i širom BiH. Bio je veliki prijatelj KŽK Čelik, koji je upravo predvođen Mateom prošle godine stigao i do svog najvećeg uspjeha, plasmana na treće mjesto u bh.eliti. Svaki Matein uspjeh u budućnosti je i uspjeh njene porodice, majke Josipe, brata Vedrana, te posebno sada pokojnog oca Slavka koji joj je uvijek bio najveća podrška u svemu.

Uspješan debi

Zeničanin Adis Dadović, član Kickbox kluba Panther, srebreni sa prošlogodišnjeg Svjetskog prvenstvu u WK verziji održanog u Berlinu po K-1 pravilima, imao je uspješan debi u ultimate fightu - UFC (Ultimate Fighting Championship). Borio se u oktagonu - osmerokutnom kavezu omeđenom metalnom žičanom ogradom sa Slovkom Vladimirom Cvligom, kojeg je pobijedio nokautom u prvoj rundi. Meč je održan u Subotici.



Žepčaci na Bilmišću

Kako je naš magazin i najavljuvao, košarkaši žepačkog Orlovika svoje će prvoligaške utakmice igrati u dvorani na Bilmišću. „Školske dvorane u Žepču ne zadovoljavaju kriterije takmičenja u A-1 ligi BiH, a nova žepačka sportska dvorana se tek gradi, pa smo se odlučili da domaće utakmice igramo u Zenici. Očekujemo solidnu podršku ljubitelja košarke u ovom gradu koji izuzetno dobro poznaće i voli igru pod obročima“, ističe predsjednik Orlovika Namik Maličbegović. U prva dva kola Orlovik je bio gost u Sarajevu protiv Trilanda i u Tuzli protiv Studenta. U oba ova duela igrači trenera Senada Preldžića su poraženi, a prvoj pobjedi nadaju se već u subotu u 18 sati, kada na Bilmišću gostuje Bošnjak iz Hadžića.



Kakanjski košarkaši



Nakon uvjerljive pobjede protiv Bošnjaka iz Hadžića, košarkaši Kakanja ostvarili su značajan uspjeh i na gostovanju u Čazinu. U derbiju A-1 lige FBiH, Kakanj je tako savladao ekipu Limometala rezultatom 84:76 i zadržao maksimalan učinak nakon dva odigrana kola. Najbolji u redovima Kakanja bili su Nedžad Mulić i Narcis Begovac sa po 22 postignuta koša i treće zeničko pojačanje Abdurahman Kahrimanović sa 16 koševa. Pobjedom protiv Limometala u Čazinu, Kakanj je opravdao ulogu favorita i još više osnažio ambicije za prelazak u viši rang.

Pet medalja



Karatisti zeničkog Hasen do-a imali su uspješan nastup na 8. otvorenom karate prvenstvu u Travniku „Travnik Open 2009“ koji je održano u sportskoj sali Turbe. U konkurenciji 380 takmičara iz 25 klubova iz BiH, Hasen do je osvojio pet medalja, i to tri zlatne i dvije srebrene. Zlatnim medaljama okitili su se Haniša Ahmić, Amina Hadžić i Ajdin Halilović, a srebrenim Albin Ibraković i Senka Dautović. Sve medalje osvojene su u borbama pojedinačno.

Savladana Bijeljina

U okviru šestog kola Asocijacije košarke u kolima na Bilmišću je odigran susret između zeničke ekipе KIK Bosna i gostiju iz Bijeljine. Utakmica je u prvom poluvremenu bila rezultatski neizvjesna, a u nastavku se igrala veoma kvalitetna košarka. U tom periodu su domaći igrači stvorili osjetnu rezultatsku prednost od jedanaest poena razlike. U završnici gosti samo uspijevaju smanjiti razliku na konačnih 54:50. Ekipu KIK Bosne u ovoj polusezoni očekuje još utakmica u Gradačcu sljedećeg vikenda.

Obnoviteljska skupština

Tokom avgusta ratne 1994. godine u Mravičima je osnovan Nogometni klub "Gradina" čiju okosnicu su sačinjavali igrači, tadašnji pripadnici Armije BiH. Nakon formiranja



Općine Doboј Jug, klub se preregistrovao u NK "Gradina" Doboј Jug. Bez obzira na to što nije imao sopstveno igralište i potrebnu infrastrukturu (utakmice su igrane na terenima izvan općine), klub je egzistirao, ali je 2001. godine odustao od ligaškog takmičenja. Sredinom ove godine grupa entuzijasta i zaljubljenika

Nova pobjeda

Odbojkaši Kaknja nezaustavljivo jurišaju ka odbrani duple krune. Ostvarili su i četvrtu uzastopnu prvenstvenu pobjedu. Ovog puta porazili su solidne Brčake, koji su u trećem setu pružili jak otpor. Nakon izvrsne u prva dva seta, koja su Građevinci dobili vrlo uvjerljivo, za samo 40-ak minuta (25:17 i 25:15), u trećem setu Brčaci su imali vodstvo od čak 0:5, koje su domaći anulirali tek u finisu i poravnali na 25:25. Zahvaljući boljoj koncentraciji, ali i iskustvu Abdela Zolote i internacionalca



Luisa Hernandeza, te sve boljeg Željka Čorića, domaći uspijevaju sprječiti iznenadenje i zabilježiti maksimalnu pobjedu.

Vitežani u seriji



Košarkaši Viteza upisali su i treću prvenstvenu pobjedu, te su nakon tri odigrana kola na vrhu tabele Lige KS Herceg-Bosne s maksimalnim učinkom. Pred oko 600 gledatelja u Gradskoj sportskoj dvorani Vitez poražena je ekipa Tomislav iz Tomislavgrada. Gosti su se predstavili kao vrlo dobra ekipa, a u prve dvije četvrtine su uglavnom bili u vodstvu. Košarkaši Viteza ipak koncem druge četvrtine prelaze u vodstvo, da bi u trećoj i četvrtoj četvrtini priredili pravi šou, u više navrata atraktivnim potezima i zakucavanjima podigli publiku na

noge, postigli više od 100 poena i na kraju utakmice slavili više nego zaslужenu pobjedu rezultatom 101:67. Najraspoloženiji u ekipi Viteza bili su ponovno Križanović i Palavra, dok su vrlo dobru partiju pružili Jurčević i Buhić.



www.yoigre.com - besplatne online igre

YOigre.com

Više od 2000 besplatnih igara na jednom mjestu

Poznati protivnici



Muška odbojkaška reprezentacija Bosne i Hercegovine će u prvom kolu kvalifikacija za EP 2011. igrati protiv Gruzije, dok će odbojkašice nastupiti u A-grupi kvalifikacija sa selekcijama Azerbejdžana, Bjelorusije i Gruzije. Odbojkaši u prvom krugu igraju protiv Gruzije, pa će slučaju pobjede odbojkaši BiH će u drugom krugu kvalifikacija nastupiti u grupi sa Slovačkom, Belgijom i Ukrajinom, odlu-

čeno je žrijebom u sjedištu Evropske odbojkaške federacije u Luksemburgu. Ženska odbojkaška reprezentacija BiH nastupit će u A-grupi kvalifikacija sa selekcijama Azerbejdžana, Bjelorusije i Gruzije. Grupna faza kvalifikacija u obje konkurenkcije na rasporedu je krajem maja 2010. Pobjednici grupa izborit će direktni plasman na EP, dok će drugoplasirane reprezentacije igrati dodatne kvalifikacije.

FOTO ZUNIC
www.fotozunic.ba
TC ĐŽANANOVIĆ Zenica
 TC Đžananović tel. 032-24 61 80
 zuniczenica@bih.net.ba

EXTRA PONUDA ZA IZRADU DIGITALNIH FOTOGRAFIJA

i pored niskih cijena iskoristite nedeljne popuste od **-50%**


Svake nedjelje dig. fotografije po **0,20 KM**

Oktobar	Novembar
1 2 3 4 5 6 7 8	9 10 11 12 13 14 15 16
17 18 19 20 21 22 23 24	25 26 27 28 29 30 31

Gračanica Alije Izetbegovića br.6 tel. 035-77 27 92 fpzunic@zivinice@bih.net.ba DOBOJ Željana prljaca Tel. 053-22 75 54 zunic@fotol.net.ju JELAH (Tetanj) Matarska Tita b.b. tel. 032-66 41 26 zunic@telah@bih.net.ba Tešanj Brace Pobrić b.b. tel. 032-65 30 33 zunic_tesanj@bih.net.ba

Rasprodaja nastavljena

Čelik je nastavio sa rasprodajom bodova kod kuće. U 12 prvenstvenih kola u kojima su u njih sedam bili domaćini, a samo pet gostovali "crno-crveni" su sakupili 12 bodova. Trenutno se nalaze na 13. mjestu premijerligaške tabele. U narednom kolu igraju protiv davljenika Zvijezde u Gradačcu. Bilo kako bilo, u momentu kada je Široki Brijeg napravio niz od šest pobjeda zaredom i uključio se u borbu za titulu prvaka, i za osvojeni bod protiv ovog protivnika moglo bi se reći da je uspjeh. Međutim, svaki naredni kiks, samo će dodatno približiti zeničkog premijerligaša ispadanju u niži rang takmičenja. Svi kojima su drage "crno-crvene" boje nadaju se da će se njihov klub konsolidovati, u pauzi dovesti adekvatna igracka pojačanja, te da će ipak i dalje biti sastavni dio bh. elite. Nermin Šabić, kapiten Čelika odlučio je objesiti kopačke o klin. Na ovu odluku koju je saopštio nakon susreta sa Širokim Brijegom, uticalo je više stvari,



od čega najviše zdravstveni problemi. Tridesetšestogodišnji Šabić se odlučio posvetiti poslu sportskog direktora kluba, a zbog ozbiljnosti situacije u kojoj se Čelik nalazi očekuje ga težak posao. „Ovo je definitivno kraj moje igracke karijere. Jednostavno, nema smisla da u 36. godini, bez obavljenih priprema igram i budem najbolji na terenu. Ne mogu više ni fizički ni psihički izdržati, imam i velikih problema sa leđima...“, veli Šabić koji se sredinom jesenje polusezone aktivirao i vratio na teren.

1.-30.11.2009.

AKCIJA

-10% NA KOMPLETAN ASORTIMAN
U MALOPRODAJI ECONOMIC I PJ JAJCE



IZDVAJAMO ARTIKLE OD
-15% -20%



Economic®
ECONOMIC d.o.o., Poslovni centar 96, 72250 Vitez, BiH • Tel: +387 30 718 333, 710 353, 718 412, 713 748 fax
e-mail: info@economic.ba www.economic.ba

Sloga opet bolja

Dobojska Sloga u samo pet dana dva put je savladala Čelik u Gradskoj areni. Prvi puta je to bio prvenstveni duel a drugi puta gosti su bili bolji u osmini finala Kupa BiH. Zeničani su u ovoj utakmici pružili jak otpor Dobjljama, koji



su istina odmarali više svoje glavne igrače. Najlošiji akteri na terenu bio je sudijski par Senad Kamberović (Živinice) - Mevludin Šabić Gračanica), koji su svojim odlukama donekle olakšali posao pobjednika. "Ovaj je susret od-

lučen u zadnje tri-četiri minute. Onaj koji je prvi promašio je izgubio, a to smo nažalost bili mi. Upadamo u krize u igri, činimo gluposti u serijama. Posljedica je da ovako gubimo utakmice", kazao je Zlatko Sarčević, trener Čelika.

Pala i Čapljina

Košarkaši Čelika veoma dobro su otvorili sezonu i sa tri pobjede u prva četiri kola Prvenstva BiH nalaze se na drugom mjestu na tabeli. Lakše od očekivanog stigli su do pobjede nad ekipom Lasta Čapljine. Kod domaćih, svih 11 igrača koji su igrali upisali su se u listu strijelaca, a prednjačio je Ramo Rizvić koji je dao 28 poena, te Adelmo Delić koji je ubacio 17 poena. Pratili su ih Haris Jahić i Muris Andelija sa po 14 poena. "Mi smo ih dobili lakše nego što smo očekivali, ali je sigurno da Čapljina nije odigrala na nivou. Od početka smo igrali sa četiri vanjska igrača, maksimalno ubrzali igru i to nam je dalo rezultat. Zadovoljan sam i igrom i rezultatom i



siguran sam da ćemo slijediti ovaj put i pokušati već u narednom kolu da pobjedimo Slaviju u Lukavici i to bi bila jedna dobra uvertira pred sljedeći derbi u Zenici gdje igramo sa Igokeom", kazao je Marko Trbić, trener Čelika.

Zeničanke uvjerljive

Košarkašice Čelika, Jedinstva i Slobode nastavili su sa uvjerljivim pobjedama, te još jednom potvrdile kako su uz ekipu aktuelnog prvaka Željezničara najveći kandidati za plasman u Ligu za prvaka. Zeničanke su slavile u Tomislavgradu kod istoimene ekipa, inače novog člana bh.elite rezultatom 94:41, a Jedinstvo je kod kuće u Tuzli savladalo Brotnjo sa 98:66, te ove



dvije ekipe imaju po 6 bodova i nalaze se na prva dva mesta, s tim da ekipa Beogradina Bajgorića ima bolju koš-razliku.

Kvalitetnim radom do vrhunskih rezultata

Zenički karate klub Internacional po mnogo čemu se izdvaja od većine drugih klubova jer se bazira na radu sa djecom koja praktikuju i teže vrhunskom karateu. Klub je počeo sa radom u ljeto 2005. godine i danas broji više od stotinu aktivnih članova, dječaka i djevojčica uzrasta od sedam do 15 godina. Rad Kluba trasiran je jasnim i preciznim ciljevima, a organiziran je po grupama počev od početnih učeničkih pojaseva do napredne grupe i takmičarske ekipe. Za relativno krat-



ko vrijeme ostvareni su izuzetni rezultati, a izdvojila se Amna Fetić (rođena 1995. godine) - viceprvakinja BiH u pionirskoj i kadetskoj konkurenciji koja je i članica državne kadetske reprezentacije na predstojećem Svjetskom prvenstvu, čiji je domaćin Rabat u Maroku od 8. do 17. novembra. Tu je i Harun Jusić (rođen 1996. godine), prvak BiH u pionirskoj konkurenciji, a svojim radom i zalaganjem na treninzima među najperspektivnije članove svrstali su se i Emir Suljević, Amila Bećić, Samra Mujić, Muharem Keleštura,



Treneri

Stručni rad jedan je od najvažnijih preduslova za pravilan sportski razvoj dječaka i djevojčica. Odgovornu trenersku zadaću u Internacionalu obavlja tim na čijem je čelu najuspješniji bh. karatista Arnel Kalušić, osvajač medalja sa svjetskih, evropskih, balkanskih prvenstava koji obavlja i dužnost selektora ženske kadetske reprezentacije naše zemlje. Svoja znanja na mlade karatiste svakodnevno u Internacionalu prenose i majstori karatea mr. Selver Keleštura i Šemsudin Fuško.

Jasmin Kovačević... U Internacionalu se ne žele zaustaviti na postignutom već su čvrsto opredjeljeni ka daljem sportskom radu i usavršavanju svakog člana Kluba, a u planske ciljeve za narednu godinu uvršteno je učešće na državnim prvenstvima za pionire, kadete i juniorе, te na ostalim takmičenjima iz Programa Karate saveza BiH. Jednaka pažnja, kako ističu u Internacionalu, u narednom će periodu biti posvećena organizaciji klupske školske lige karatea - radi sticanja takmičarskog iskustva.

Rezultati

Potvrda kvalitetnog rada Internacionala su visoki plasmani i osvojene medalje takmičara ovog kluba na zvaničnim takmičenjima organiziranim prema kalendaru takmičenja Karate Saveza BiH, na državnim prvenstvima za pionire, kadete i juniorе te brojnim međunarodnim turnirima. U posljednjem periodu ovaj klub nastupio je na turniru „Vogošća open 2009“ gdje je ekipa koju je činilo 11 takmičara osvojila šest medalja (1 zlatna, 2 srebrene, tri bronzone). Sa jednakim uspjehom 12-člana ekipa nastupila je na turniru „Gradačac open 2009“, a veoma dobar rezultat je i nastup na međunarodnom turniru u Slavonskom Brodu gdje je boje Internacionala branilo četvoro takmičara, anđijihov učinak su dva odličja, srebreno i bronzano.



Podrška Klubu

Za svoje uspjehe u Internacionalu posebno zahvaljuju sponzorima i prijateljima kluba među kojima naročito ističu pomoć Javnoj ustanovi „Dom i porodica“, te preduzećima Teleconsult. Int. Zenica, Zenicatrans - prevoz putnika Zenica, BH Telecom - direkcija Zenica, MES d.o.o. Zenica, HASS komerc Zenica, JP ViK Zenica, CHIP studio Zenica...



Malik Ejubović, mladi poliglot

Malik Ejubović, 18-godišnji Zeničanin, maturant zeničke Prve gimnazije, pravi je poliglot. Govori šest jezika, a nedavno je bio domaćin i prevodilac španskoj nogometnoj reprezentaciji koja je igrala posljednji susret kvalifikacija na Bilinom polju sa Čirinom „zmajevima“. Malik aktivno govori engleski, njemački i španski, a dobro se služi italijanskim, portugalskim i turskim. Uskoro se, veli, namjerava posvetiti učenju i francuskog jezika. Za odlično obavljeni posao dobio je pohvalu španskog selektora Vicente del Bosquea. „Bio sam domaćin španskoj reprezentaciji zajedno sa menadžerom Bekimom Pašalićem i Džemalom Čalijom. Bio sam zadužen da kao prevodilac radim na press-konferencijama, ali i da budem stalno uz španske reprezentativce. Torres, Pique, Casillas i Del Bosque su govorili na presicama. Svi Španci koji



su već ranije bili u BiH i Zenici iznenađili su se koliki je napredak ostvaren, koliko je novih objekata izgrađeno“, priča Malik uz objašnjenje kako je bio iznenađen jednostavnošću velikih zvjezda koje su izlazile u susret svima za slikanje, davanje autograma. Del Bosque je bio impresioniran navijačima i atmosferom na stadionu, zahvalio se Maliku na njegovoj usluzi, a bio je nemalo iznenađen kada je saznao da se radi o zeničkom srednjoškolcu.

Uživo iz Lisabona na 105,2 FM

Zenički Radio Q nastavlja sa ekskluzivnim radijskim praćenjem odlučujućih utakmica naše nogometne reprezentacije na putu ka Južnoj Africi. Kako nam je istakao prvi čovjek ove zeničke medijske kuće, Harun Bošnjak, slušaoce 14. i 18. novembra očekuje cjelodnevni „živi“ program sa lica mjesta. „Imaćemo studio u Lisabonu, odakle ćemo realizirati minimalno pet sati programa na dan prve utakmice baraža, sa ekskluzivnim izjavama naših i portugalskih nogometnika, te armije bh. navijača koja će okupirati Lisa-




bon kako bi pružila podršku našoj selekciji. Kolega Emin Dedić i moja malenkost u Portugalu, te Dino Karabegović u Zenici, bit ćemo zaduženi da slušaocima osiguramo najzanimljivije materijale i sagovornike. Nadam se da su svi koji su nas slušali na našoj frekvenciji 105,2 MHz ili putem interneta bili zadovoljni poslom koji smo obavili iz Talina.“, kaže za naš magazin Harun Bošnjak.

Vrhunski ispis na veliki i mali format
www.bpanel.ba



Folija (naljepnice)
Baner (cerada)
Papir
Tekstil, canvas
Prozorska grafika
Podna grafika
majice

B Panel Info: 032 441 291 Poslovna Zona Zenica 1



Vodoravno: 1. Oglas, objava, fr.; 6. Reklamni prospekt; 7. Stara autooznaka Mostara; 8. Veo, koprena; 10. Glavni grad Turske; 12. Ukras, nakit; 13. Authorized User List, skr.; 15. Internet domena Njemačke; 16. Razvalina, ruševina; 18. Berberin, brijač; 22. Prijatnog zvuka, zvučan, zvonak, lat.; 24. Vrsta ljevkovite biljke; 26. Velikih dimenzija, zauzima mnogo prostora; 28. Dalmatinska uzrečica; 29. Ono što spaja i povezuje; 31. Onomatopeja laveža psa; 32. Dvoboj, međgan; 34. Staja; 36. Nosač zavjesa; 38. Pjevački zbor, hor; 39. Trgovanje po viđenju, tal.; 40. Vrsta malog konja; 41. Memory Enhancement Technology, skr.; 42. Kamenit, stjenovit; 44. Usporna pomoć; 45. Lična zamjenjica.
Uspravno: 1. Ime i prezime ličnosti sa slike; 2. Plemeniti plin; 3. Operacija Tri-jumf, skr.; 4. Vrsta amajlige; 5. Vulgaran, prost; 9. Pasmina, sorta, mn.; 11. Pozornica, bina; 14. Ista slova; 17. Besmislica, ono što nema nikakvog smisla; 18. Struka, grana nekog posla; 19. Popust; 20. Hrvatska naftna kompanija; 21. Ispuniti planove; 23. Organ čula vida; 25. Starost koja ne zavređuje poštovanje; 27. Proizvod od smjese azbestnih vlakana, cementa i vode; 30. Male dubine; 33. Zabosti, zariti; 35. Mjera za tekućinu; 36. Mjesto za kampovanje; 37. Privlačnost, dopadljivost; 40. Šporet, štednjak; 43. Upišite ŠO.

VELIKA VIKEND AKCIJA

Bingo

7,09



SIR MOZZARELA 500G

1,79



ŠEĆER SITNI
1KG SMEĐI

1,75



PARADAJZ
1KG HAWAIKI

0,49



SUPA 65G
SEMBERKA

5,39



VINO 1L
GRASEVINA VIPAVA

0,93



ČOKOLADA 50G KINDER

1,09



ŠLAG KREMA VANILIJA
100G BONITO

2,52



ŠLAG PJENA 240G
5+1 GRATIS BONITO

2,35



KREM NAMAZ 500G KREMINO

2,95



BOMBONE 125G KINDER
SCHOKO BONS

od 5. do 8. novembra

Bingo. Kraj dobitih cijena



DP MARKETI

za korpu VIŠE...

Akcija traje od 6.11. do 8.11.2009. god	Banana 1 kg 1,19 Stara cijena 1,59	Jabuka crvena 0,90 Stara cijena 0,99
Jaja Super Blend 10/1 "S" klasa 1,59 Stara cijena 1,85	Šarena salata Meli 600g 1,49 Stara cijena 1,72	Ulje 1l suncokret Familla 1,89 Stara cijena 1,99
Sir feta 500g Three cows 2,99 Stara cijena 3,19	Ovako pile kesa 1kg 4,29 Stara cijena 5,45	Riža Gagi 800g 1,75 Stara cijena 2,10
Marmelada šipak 700g pve Fruby 1,95 Stara cijena 3,35	Nescafe classic 250g limenka 10,95 Stara cijena 12,45	Keks sendvič 625g SL 2,80 Stara cijena 3,40
NOVO Duel det za veš 3kg Jorgovan 5,95 Stara cijena 8,70	Eurokrem činija 500g Takovo 3,20 Stara cijena 3,35	Toalet papir 24/1 special Harmony 3,99 Stara cijena 4,45
Domestos 750ml +Cif 500ml GRATIS 4,95 Stara cijena 5,65	Cif	